

Broj: 06-03-983-03/15
Mostar, 29.01.2016. godine

Na osnovu člana 21., člana 22., člana 37., člana 38. i člana 87. stav (3) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 10, člana 11., člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 45. Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14) i člana 52. Pravilnika za izdavanje dozvola („Službene novine Federacije BiH“ broj 43/14), te na osnovu podnesenog Izvještaja o nadgledanju imaoća dozvole Mini solarne elektrane „SE VEDO 1“ d.o.o. Ilijaš, Regulatorna komisija za energiju u Federaciji Bosne i Hercegovine – FERK je 29.01.2016. godine na I redovnoj sjednici donijela sljedeće

RJEŠENJE

1. Nalaže se Mini solarnoj elektrani „SE VEDO 1“ d.o.o. Ilijaš, imaoću Dozvole za rad za proizvodnju električne energije broj 06-03-240/2/15 od 07.05.2015. godine, poduzimanje sljedećih mjera **bez odlaganja**, u skladu sa uslovima izdate dozvole po tačkama kako slijedi:

a) Obavljanje licencirane djelatnosti

Tačka 3.1. dozvole za rad:

- 1) da dostavi certifikat proizvođača opreme solarnih fotonaponskih panela i izmjenjivača SCHÜCO SG1 12k ugrađenih u SE „VEDO 1“, te slike natpisnih pločica dva različita ugrađena solarna fotonaponska panela,
- 2) da ugradi sistem nadzora i upravljanja Schuco Sunalyzer Web PR, te nakon toga FERK-u dostavi link za pristup istom, putem kojeg će imati uvid u rad SE „VEDO 1“.

b) Zakoni, propisi i tehnički standardi

Tačka 4.1.2. Dozvole za rad:

- 1) da dostavi kopiju Pogonskog uputstva za mikro-postrojenje solarnu fotonaponsku elektranu „VEDO 1“, odobrenu od strane nadležnog Operatora distributivnog sistema.

2. Ovo rješenje je konačno i stupa na snagu danom donošenja, te se objavljuje na oglasnoj tabli i internetskoj stranici FERK-a.

Obrazloženje

Postupajući u skladu sa Zakonom o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), propisanim nadležnostima, FERK je imaoću dozvole Mini solarne elektrane „SE VEDO 1“ d.o.o. Ilijaš Rješenjem broj 06-03-240-06/2/15 od 07.05.2015. godine izdao Dozvolu za rad za proizvodnju električne energije broj 06-03-240/2/15 za proizvodni objekat mikro-postrojenje solarna fotonaponska elektrana „VEDO 1“. Period važenja navedene dozvole za rad – licence je do 06.05.2025. godine.

U navedenoj Dozvoli za rad u tački 4.1.2. propisano je da je imalac dozvole obavezan zajedno sa nadležnom elektrodistribucijom, odnosno Operatorom distributivnog sistema razraditi pogonska uputstva za svoju elektranu, dok je u tački 4.14. dozvole za rad propisano kako je imalac dozvole obavezan dostaviti FERK-u izvještaje u skladu sa Pravilnikom o izvještavanju za imaoće licence za djelatnost snabdijevanja električnom energijom II reda i nezavisne proizvođače.

Osim navedenog, tačkom 8. predmetne dozvole propisano je da u okviru svojih nadležnosti FERK vrši nadgledanje ispunjenja uslova iz dozvole za rad, te da je u cilju ispunjenja uslova iz

dozvole za rad imalac dozvole obavezan dostavljati podatke u skladu sa tačkom 4.14. i druge dokumente, podatke i informacije na zahtjev FERK-a, koje su FERK-u potrebne u svrhu primjene Zakona o električnoj energiji u Federaciji Bosne i Hercegovine i Zakona o korištenju obnovljivih izvora energije i efikasne kogeneracije, da bi FERK-u omogućio izvršavanje njegovih nadležnosti u skladu sa zakonom, pravilima i propisima FERK-a. Takođe, propisano je i da je imalac dozvole obavezan obavijestiti FERK o svakoj povredi uslova dozvole za rad u roku od 10 dana od saznanja da je došlo do povreda. Ovlašteni zaposlenici FERK-a, u skladu sa ovom tačkom, imaju pravo obavljati redovno i vanredno nadgledanje u prostorijama imaoaca dozvole i imaju pravo pristupa objektima, postrojenjima, opremi i dokumentima da bi izvršili uvid u obavljanje licencirane djelatnosti u skladu sa uslovima ove dozvole za rad, te je imalac dozvole obavezan saradivati sa FERK-om tokom pripreme i prilikom obavljanja nadgledanja.

Tačkom 10. dozvole za rad propisano je to da ukoliko FERK zaključi da imalac dozvole nije ispoštovao ili krši uslove dozvole, poduzima sljedeće aktivnosti: a) opominje imaoaca dozvole o evidentiranim nepravilnostima i određuje rokove za otklanjanje nedostataka i b) pokreće postupak oduzimanja za rad.

Na osnovu člana 21., člana 22., člana 38. i člana 87. stav (3) Zakona o električnoj energiji u Federaciji Bosne i Hercegovine i člana 52. Pravilnika za izdavanje dozvola, odnosno u skladu sa tačkom 8. Dozvole za rad za proizvodnju električne energije broj 06-03-240/2/15 od 07.05.2015.godine u proizvodnom objektu mikropostrojenje solarna fotonaponska elektrana „VEDO 1“, dana 30.11.2015. godine, Komisija za nadgledanje obavljanja licenciranih djelatnosti imenovana Rješenjem FERK-a broj 05-08-422-05/15 od 11.06.2015. godine, izvršila je nadgledanje obavljanja djelatnosti proizvodnje električne energije. Tokom nadgledanja, navedena komisija utvrdila je da u SE „VEDO 1“ nije ugrađen sistem nadzora i upravljanja koji je naveden u Dozvoli za rad. Takođe, prilikom nadgledanja, nisu dostavljeni na uvid certifikati proizvođača ugrađene opreme, kao i Pogonsko uputstvo SE „VEDO 1“ koje je, prema uslovima dozvole, imalac dozvole bio u obavezi razraditi sa nadležnim operatorom distributivnog sistema.

O izvršenom nadgledanju, komisija je sačinila Izvještaj o obavljenom regulatornom nadgledanju, koji je dostavljen imaoцу dozvole na davanje komentara pod brojem 06-03-983-02/15, dana 04.01.2016. godine. U ostavljenom roku, imalac dozvole nije dostavio komentare na izvještaj.

FERK je na I redovnoj sjednici održanoj 29.01.2016. godine analizirao Izvještaj o obavljenom regulatornom nadgledanju, te utvrdio da je potrebno imaoцу dozvole naložiti poduzimanje mjera, navedenih u dispozitivu ovog rješenja, kako bi se otklonile sve učinjene povrede izdate dozvole za rad, i to bez odlaganja.

Na osnovu naprijed navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja imenovani može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primitka rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDsjednice FERK-a
Sanela Pokrajčić